

Nepomuk Gaschi

Ausschnitte aus dem Programm 2003

Khurer Schmiar het reklamiart
will Bereitschaft nid rendiart
doch mit schlofa Geld verdiena
kasch bir Stapo und susch niema
doch s' Bundesgricht het interveniart
as wird nid pennt und abkassiart

As isch a Hohn as isch a Spot
Spiela tüand si jetzt liab Gott
Miar glaubend as het nid rendiart
dass z'Dolly händ reproduziart
D'Raelsekte will Menscha klona
Drum tuat sich s' Vogla nümma lohna

Dr Thomi isch zrugg bim EHC
das git Erfolg iar wärdens gseh
Buaba jetzt müand iar laufa
susch duat är neu Spielere Kaufa
und schüssend dia denn au kai Kischta
müands uf Namibia go Mischta

Nach em ölfen Fernseh luaga
das isch nüt für klini Buaba
do kasch diar Werbig inna zücha
dass diar d'Pfiffa afangt rücha
wenn telefonisch wetsch parniffa
Isch Sie am läsa oder wiffa

Är isch a Macho a Frauaheld
hät är in sinem Buach verzellt
dä schriebe doch a huara Plunder
dr Bohlen isch a männlich's Wunder
as hät döt wiit und breit kai Knocha
und doch zwei mol dr Zipfel brocha

An dr Expo händs a Monolith
doch miar, miar müand nid go so wit
as stoht hoch doba über Khur
a Roschthufa in dr Natur
und wenn's nid glaubsch seit üsers Tanti
as isch d' Fassada vu dr Kanti